



何氏集卷第十四

京集

五言古詩

自贈王文熙四首

空堂夕燈明離思漫浩浩泠泠朱絲絃聽我別
鶴操出門難久留各言慎所好江湖迥且深鴻
鴈幾時到

行子夜中起月沒星尚爛天明出城去暮道長

河岸草際人獨歸煙中鳥初散解纜忽以遙川

光夕凌亂

光風轉柳枝宛宛路之傍濛濛苑中花朝日耀

其英停車欲有贈攀條折春芳春芳亦消歇
使故意長

息馬中林樹煙靄何氛氲遲遲仲春日叢薄華
且芬上有單飛翼哀鳴振層雲冉冉征途客踟
躕不忍聞嗟哉彼何物日夜求其群

捐棄不待年幽魂渺僊嶠庭下孤鳴鸞懸鏡
自照帳冷凝素塵窻虛耿熠燿平生白頭吟空
然發悲調

芙蓉望秋零幽蘭歇芳早不作雙頭花翻爲斷
腸草戚戚懷所思悠悠感衷抱嗟茲白髮心寡
年以相保

悼亡三首

冬夜一何長展轉難及晨念彼重泉下杳杳隔
千春中閨月皎皎紈素委流塵馳光安可追往
者無復陳悽悽向隅泣無乃女子仁大夫自有
志忍哭虞傷神沉思結中抱恨恨不能申

鳴鷄報早朝出戶履晨霜仰視東方星三五不
成行念子當此時燈前理衣裳恍然失所在零
淚空滂滂

皎皎機中絹拂拭明如雪裁爲雙中衣羅帶紛
綰結親持向我前與我言結髮豈足佩下體聊
以奉娛悅執此百年心嘆息一朝絕人故物自
留欲視不忍發藏之篋笥中餘香日以歇

挽葉進士

矯矯松柏枝在彼丘中阿上盤青雲端蒼翠鬱
嵯峩惜哉千尺幹嚴霜摧其柯本爲大廈用不
竟當何如

贈李獻吉三首

西方有佳士於世寡所諧橫風整脩翰倏忽超

九達天門限重關屢扣闈者辭濟濟列仙子冠
裳競追隨青雲蔽閭闔仰視何逶迤皎日匿西
陸馳光難遽回世無魯陽子坐惜朱顏衰

東風吹我衣白日何杲杲整駕出郭門修途浩
潢潦登山采幽蘭日暮不盈抱采之欲何爲遺
我平生好豈無艷陽花言子好香草丈夫有本
性安得不自保寸心苟弗移可以鑒穹昊

烈女守閨室憂日懷寸陰橫琴寫妙曲繁商激
陽林悠悠行路子誰爲識其音人生處世間貴
在相知心所以采薇士甘餓西山岑

答獻吉二首

鬱鬱雙鳳闕，翱翔飛雲間。我皇乘六龍，平明開九關。下有敢死士，批鱗犯其顏。白日運蒼昊，薄暮浮雲還。一朝啓光耀，忠誠良可宣。吳吾君古堯舜，垂袞蓬萊宮。止輦受群善，小大必有容。緬懷燕鄒子，悲號訴蒼穹。彼蒼亦何神，五月飛霜風。至誠變金石，何懼不感通。

遊魯山城南舍二首

猗彼方外客，逍遙城南野。初夏苗始盛，荷筍事田圃。地僻寡鄰舍，彌旬絕車馬。紅葵生井上，青

榆蔭堂下前，岡後有岑原。澤何靡靡，清風林下酌。狼籍列樽俎，翻思在朝市。役役徒勞苦，溪行日停午。暑氣稍見侵，脫巾坐芳草。前有嘉樹林，白雲澹清景。綠葉垂繁陰，喜無鳴蟬聒。幸有好鳥吟，久厭區中緣。撫茲意彌深，浩歌答良友。聊用開吾襟。

中秋十七夜留康德涵飲二首

飄風會浮雲，白曜奄西藏。羈人惜短晷，眷此秋夜長。長夜無與晤，所懷浩難忘。君子在光駕，媿婉情未央。披軒待流月，展轉錯華觴。臨觴慘不

御對景久傍徨鬱靈暖庭陰黯黯如降霜流波
委頽魄茲歲漸以更消長互相謝盛滿安可常
勗哉君子心謙謙道彌光

客心悲夕陰相顧增煩憂麾杯浩歌起欲去不
可留屏營獨撫膺仰觀熠燿流倏焉四宇豁衆
星爛以稠游氣降大谷浮焱扇清秋昊天舒華
魄銜耀西南樓朱門歇笙竽綺陌車馬休嗟爾
晨明月燭燭安所求

詠懷十首

北陸無淹晷歲邁陰已長攝衣起中夜凜凜悲

嚴霜明月麗高隅繁宿縱以橫徘徊仰天漢婉
彼參與商形影永乖隔萬里徒相望

烈炎灼崑岡乃辨金石堅金石有恒性銷鑠詎
能遷薪樗莫傷桂刈蕭毋及蘭薰蕕不同器清
澹本殊源君覩高翔翼卑棲非所安

英英園中樸朱榮媚朝陽朝陽修西墮朗月借
其光馳輝難久耀華隕不再揚畚畚白馬郎皎
皎青樓媚容好豈足恃相要在裘腸

積薪以待燔畜裘以御冬為物貴及時餘者安
足庸金張藉地勢衛霍承華封馮生守窮巷白

首不見容賤者日遘屯貴者日以崇邈彼天上
京玉宮閣九重高高不可測欲往將何從
知鳥去惡木螻蟻 腐莖復隍啓危滿爲山忌
將成泛觀瀛海內巨細各有情哲夫炳身後昧
者營其生千金買一壺爲豫當及早江湖多風
濤舟楫不可保

寂寂沅湘流長江上有楓青蕙綠廣隰綠蘅被
洲中揚舲泝煙泚遙瞻二妃宮二妃何婉孌寒
馨振微風解珮遺下女將以明我衷光采不易
合精誠渺難通浮雲蔽江臯白日忽已晚還顧

蒼梧原何時翠華返

飛鴻遵故渚長鳴有餘哀北地多悲風霜雪日
以催靈鳥集君舍君反見疑猜忠信苟不顯殺
身亦何爲始知山梁雉欲下仍徘徊

長安有綺樓文窓結朱䟽俯視千萬甍遙臨十
二衢樓中彈瑟女容采耀城隅豈無吉士誘失
身良爲愚迴風入總帳倏忽白日徂玉顏易銷
鑠不久當何如

白露晞朝日茗榮委清秋長風吹野草飛藿不
自謀猥彼衆多子安知良士憂覆水置平地一

散永不收鼯錯憂漢室翻爲六國仇禍機苟不
測談笑生戈矛留侯信人傑逝從赤松遊
白玉本自白蒼蠅亂其真讒言解膠漆况匪平
生親烈士死道傍貪夫登要津自古皆有然茲
恨何當申蓬丘眇煙霧具宮鬱嶙峋列仙如可
期吾將躡清塵

東臯

藹藹東臯村中有幽人宅茅堂入空林草徑無
來客林中桂樹英容采耀月夕寒香有時賈秋
來望攀折

贈邊子四首

自予辭京邑念子守南服歲序阻懽觀川塗積
遐矚北鷺方自茲東轅偶相值聯鑿始宋中解
纜及河曲

同車越梁晉覽歷多古彊紆遲衛流汭轉盼淇
水陽感來意不淺道故言已長辛勤眷途語愴
惻悲別章

戎馬暗中原嗟此遠行子遙遙赴城闕戚戚望
桑梓路阻難可通河清詎能俟俛仰君父間出
處良在此

何氏集卷十四
十一
懽聚理無恒悲離情有傷况茲征途間詎能又
相將浮雲興歲暮素雪翳晨光揮手自茲別後
期應毋忘

贈望之四首

孀孀孤生楊迢迢河水汭平生骨肉親婉孌相
諧悅思心起懽燕何況當乖別浮萍寄清流聚
散有歡悒與子同枝葉胡為思離闊愧匪根與
莖莫能相固結德人重行義志士輕訣絕慎子
萬里軀慰我長飢渴

良時不克俱悠悠子行邁行邁之何方乃在萬
里外汎舟涉江湘道遠阻湍瀨我心思桂林倍
立增歎慨河清豈無期柰此日月逝所願芳未
歇及茲采荃蕙

瓜生施于葛枝蔓白纏糾念我同胞人是子結
髮友少小鍾慈育冬心言常相守出門有羽翼忽
下離隔久戚戚去只兄弟思我父與母種瓜莫種
棘種棘恐傷手恩惡久苟不虧離隔復何有
絕裾不為忍此馭寧顧危念子奉明君結義良
在茲雖懷垂堂戒垂質我所知白日豈不察浮
雲蔽于斯孤葵慕太陽傾心亮不移勿謂長棄

捐終當有返期
莫大別野以哀不終
歸送王宗哲少卿
齊齊拜賦吟白日豈不察
肅肅出郊于行行步
河甸子身被王命駟馬輝
雲電覽岳停華陰觀都指
秦殿思子衛泉流渭
漥一以緬平生共肝膽何云
異鄉縣况我離骨
肉子也常眷戀憶我連枝樹
感子同洲鴈子行
四方志努力思見面

出城贈韓子

晨車去遥遥將子城之隅
城隅何所有有荷復
有蒲念當與子別思心立
踟躕宅人豈無友非
子誰為娛折荷勿涉水
涉水濡子車安得瓊
華採掇為子需

過呂涇野宅同呂道夫馬君卿

夏訪呂子居乃在北城陰
門臨古墻渠上有高
樹林展席流南薰開軒睇北岑
况借同心友聽
此和鳴禽佳人出素帙高詞播
名琛亮哉清廟
瑟淒其白頭吟一彈意不足三嘆
有餘音因之
覽玄古寥寥傷我心

鳴蟬

苑苑庭中柳蟬鳴在高柯上有西飛燕下有東

流河美人堂上坐忘却門前道舉頭見鳴蟬低
頭惜芳草

冬至

北杓指玄朔南景留嚴冬中衢返義馭淑氣扇
黃鍾微陽懼不力固陰密且重至尊林時令
端拱象欽恭閉關過行旅執玉羅勳庸天乃群
物祖日爲衆陽宗眇茲一線畧邈彼九淵龍泰
登自此肇復來豈無從聖人謹元始君子履攸
終

贈田子三首

蓬途眷行旅綢繆永茲夕之子逝大江方舟自
此適藹藹皇邑遊鳴鑣並京陌同袍四五人君
爲遠行客婉孌一室內安知形影隔人生重貞
同豈必金與石念彼膠漆友喟然感今昔

蒼蒼季冬夕積雪委中衢三星出東戶織月揚
西隅主人樂行觴衆賓且停車何況平生友夙
昔共懽娛慘惻高堂上爲子重踟躇山川緬以
邈岐路在須臾出門慎自愛慰我恒相於

鳳鷲去南國徘徊翔紫庭毛羽紛歲蕤霜雪日
以零一鳴已曠世奮翅排清冥崔嵬南山下修

竹何亭亭文采忽遐遠佇立望爾形依依此堂
隅儔侶念伶俜相聚不須更一散如晨星我欲
從爾去但愧無修翎

七夕劉子緯次君卿

良時屆今夕懽觀諧茲方流飈委芳卉清池激
微涼仰觀牛女星熒熒河漢傍纖月揚西隅浮
雲起中央合離一以愴明晦古難量繫子場下
駒慰我長思望

斷絕詞

孔雀慕儔侶回翔恐相失羅鷺為雄雌反覆不

成匹白沙搏清水誰能作膠漆本非骨肉親心
志安得一牽纏無已時斷絕有終畢

玉岡黔國地種竹

玉岡一精舍五華東南首崔嵬瞰城郭曠緬開
林阜球琳美梁域蓀蕩卑揚畝崢嶸將軍弟瀟
灑文儒囿霜凝戟門寒日上鈴閣晝寒帷散琴
書緩帶接賓友風林清夏簟雲石靜秋牖參差
萬琅玕照耀雙瓊玖連城價自高傾國貌俱醜
繆倚慚蒹葭先凋謝蒲柳上公勲不忘君子名
詎朽蠶夷欽鎮靜風俗化溫厚此德亮無瑕抱

節誠可久，珪璋寡。珊瑚璉重，典守至寶。天所
憐珍產，地非偶閭。顛神仙宅，瑤水蛟龍。藪安知
王母觴，復爲周王壽。獻從萬里餘，種已千年後。
靈秀萃于茲，積累固所有。樂只邦家光，斯詠播
人口。

贈君采劾何遜作四首

霜空鴈絕響，風庭葉罷飛。念爾別離日，凄然芳
歲微。城隅明星暫，曉闥殘月輝。不見携手好宵
行，誰與歸。

平生寡所諧，與子中邂逅。讌語殊未厭，絃柱促

離奏。目斷川上雲，念攢天邊岫。河山邈以綿，行
立阻懽觀。

居人日縛束，行子逝飄飄。山栖憐霧夕，水泛悅
霞朝。違俗勢靡合，遺名跡自超。愧隨衣冠侶，振

珮青雲霄。

歲宴客來歸，車馬一何亂。新粧下機笑，白髮倚
門看。未俟春林敷，且玩冬花粲。閑居有徽音，倘
付雲中翰。

酬贈王德徵

北方有一士，雲冠瑤華簪。抗身服高義，奮翅翔

天林一鳴遠見斥棄置南海濤飛黃本冀庶顧
盼無千金絕景邁流電豈與泥沙沉邂逅頃三
接一言荷知深投贈古錦篇宛聆哀玉音大雅
又寥寂斯文竟誰謀皎皎空谷駒生芻勞我心
樹穀江上田三年免飢餓富貴苟非道千駟底
一嚙匹夫不奪志曠士鮮無過蛾眉召讒妬西
子蒙詬浣鑠金懼衆口懷璧誠賈禍蛇龍蟠泥
沙鯢運海水簸子今還山中食穀且高卧

詠衣

淒淒締綌風慘慘葛履霜無衣嘆
函奏同袍感秦章物微申有贈
德音亮難忘新練託故素温
煥念寒涼體裁合情志拂拭生輝
光雖云異黃裏願言同聚裳

古怨詩五章

隕葉亂舊枝飄塵就岐路遲徊決
絕意言念平生故泥泥行間泥
零零蔓草露豈不畏沾汚爲
子無晨暮

抗義一何明結志誓不解對面有
背棄何言萬里外陟疆朝采葑
陟畛暮采菲所重在德音容

色安足恃
白玉雖光輝
瑕庇在其內
徒看色笑親
詎識肝膽異
勢奪因愛移
交離讒毀至
棄捐豈我傷
卑薄乖情義
寸心抱貞固
投一安有它
詎知所同懼
散聚倏朝霞
昔爲山上石
今爲浪中沙
孰云無轉移
漂蕩令心嗟

清晨臨御溝
御溝東西流
垂楊夾廣路
躑蹀行紫駟
揮鞭不顧返
斗酒誰能留
慨焉中道情
覆水倘可收

情詩

出門景將夕
入門露已灑
徘徊雙戶間
粲爛三星上
玉顏豔明魄
一別阻弦望
詎能輕訣絕
徒令重惆悵

詠裘

羔裘故人物
持贈何殷勤
儉表素絲質
光迴錦繡文
豹祛未稱美
狐白安足云
意此綈袍戀
恩同曠絮温

飲酒

平生多意氣
四海盛交遊
列筵亘長夜
談辨雄

名流杯酒一言合，遽將肝膽投入門。顧兒女，忸怩但懷羞齒。正今茲世故多所由，與言念親戚，骨肉嬰我憂。寒宵寡悵，恠濁酷聊自謀。明燈耀室內，盤蔬代庖羞。豈必明與賓，妻子前勸酬。語笑率真性，無嫌亦何尤。人生貴止足，無志卑公侯。數觴已復醉，頽然萬情休。寄言馳騫子，從今任去留。

送劉御史按淮揚諸郡

臺臣今按地，聖祖舊開疆。白雲萬里來，千載還帝鄉。伊昔草昧初，血戰塵茫茫。一馬渡天

塹，六龍飛淮揚。堯階起三尺，禹跡遺八荒。江海控形勢，邦家存紀綱。遐哉百年餘，世變隳其常。城社穴狐鼠，當塗走豺狼。君埋都亭輪，再觀司隸章。述職屬茲歲，巡狩代我王。泛舟淮泗急，寒幕風日涼。鷹隼在寥闊，一擊乘秋霜。北翼何

遊洪法寺塔園土山

塔園鬱森萃，土山莽迴互。迹陳慷慨往，躅心賞諧。秋晤時惟冬，氣交零木爽。登顧裊裊，拾層級盤。盤折脩步，憑危眺。倒景俯檻驚，流霧空玉湧。廟衛貴者留，墟墓三門上。岌業玉柱撐，雲露白日

寶光垂風 晝金響度 徒與雍門 衰未暇首 丘慮
珠藏北邙 毀石罅南山 銅恒焉傷 逝心川泥 激

東鷺

贈時亮

戴子有仙癖 時荷金門 遇辟穀遊人 門嗜酒尚
玄素白 印指五岳 笑我不能去 爾未生羽翼 何
時向煙霧

贈子言

張生神駿 骨一蹶在衢路 雖有萬里才 未蒙千
金顧 腰佩白玉環 手擲金聲賦 堂堂烈士身 勿

為名所誤

冬夜

膏火含朱光 玉罽泛清醴 閒房密以靜 雪流窻
戶裏 良友不我適 室阻悵伊邇 異人非我儔 聊
酌娛妻子

十二月朔日大駕觀牲

玄雲翳廣陌 素霰雰曾城 萬乘屯蘭甸 六轡儼
天行 輕颺轉芝蓋 重霄揚翠旌 狻狻劔珮合 鏘
鏘龍鳳鳴 犧人脫衡福 膳宰翼旁楹 牛羊上廩
貯 鹿豕大庖盈 馨香流秬鬯 肥脂奏牲宮 闕

回車帝覽鉦鼓感 皇情至敬肇茲達大禮須
時成

簡君采

夕會星已羅晝接景將落見面不須更何以展
契闊側耳金玉章音響時間作假寐晤清顏傾
光豈虛託枉駿悵雲纒命席耻塵爵徘徊翳雲
日佇立眺城郭駢居淹晨暮庶俾思心豁

送崔氏四首

行車在門端送賓集城隅輟驥難久停振策中
路衢盤盤大行谷往念高堂遠顧望西山曾

崑蔽 皇都回飈赴迅響飄雲奔長徂昔余背
鄉域睠言返田廬驅車赴燕薊茲歲奄七踰何
因附羽翼翹首南翔鳧

疇昔衣冠士同遊若雲爛懽讌未及終存亡在
轉眴亡者長沉埋存者各飄散俯仰天地間念
之一惋嘆出門送我友言返故鄉縣登高望古
疆河衛浩以漫山川白日冥匹鳥鳴相亂愴惻
懷征塗令我腸中斷

結髮與君友附驥思一鳴君子揚休景邁世垂
榮名伊余守屯蹇學宦寡所成握瑜俟知己知

已誰爲明良時展嬾婉之子復遠行衝飈起聞
闔浮雲翳太清曾城羅宮殿躍馬振綏纓長嘯
歌五噫投策出漢京慨念古人士去之一何輕
貧賤豈不安富貴非我營終焉從子逝無爲世
所嬰
飄飄山上葛纍纍田中瓠苟非同根蒂纏綿安
得固人情易友復結交有新故嗟哉夙昔好乖
棄在中路明珠倘有因按劍不我顧深言匪有
裏白晉爲所誤亮君最恒德永副平生慕

寄贈王氏子衡四章

昔餞邁伊始今懷緬猶故城懋屢淹薄舟遊一
泐逆弭節指頽景搖車首東路倉皇抗手別邈

絕賞心晤

賞心睽景光川汜渺徂征竄身窮海上卧痾天
邊城傾欹島岸圻蹙沓波樓驚飄音承來訊頗

叙棲泊情

棲泊倦淮堧量移遂山郭沈迷謝簿領褰開盡
巖峩雲翔葉縣鳧風吹華亭鶴果諧宣城興復

在臨海作

臨海疊靈巘洞壑丹霞林名勝紀圖牒仙聖祕

幽深俗營近微尚曠懷俟同心儻追凌風步滅
響昇雲岑

集吳子寺館

首夏憇祗園遊息解冠簪窓楹抗疏敞殿宇闕
深沉綠竹帶陰渠丹葩綴陽林旣枉高人躅亦
協靜者心琴書散煩慮鍾磬發幽音清言忘朝
晏玄思超古今

夏夜薛子宅

飄風激踈牖飛雨散高庭白雲蔭華月青天垂
列星寒裳望西苑園樹發青燐陰館碎炎埃峻

檻臨巖崇泠泠永夏井肅肅玄夜局披霧聆霏
談逍遙暢神形遊心娛竹素此樂誠可經

贈君采

蕭散綜琴書疲疾謝回亂清雲汎闌暑白水激
文瀾於心懷我友翩翩振詞翰比室諧言晤撫
景悅流翫孔公讚龍蠖莊生明吹萬理感由神
詣情賞非虛嘆鄙哉辨雌霓安知睹河漢願投
忘形契去適無窮岸

高士言古詩

五馬行

使君五馬來月氏方瞳夾鏡光
離離長身峻耳高七尺錦雲
宰地玉花赤杏韉蹙蹙雙盤
龍文羈翠刻金玲瓏青絲遊
韁縮不任鐵色蹄翻錦苔地
天閑沙苑貯幾時一朝分賜
使君騎使君行春常露冕緩
鞚張油下山縣朱文露綱動
輕車四野人家望通憶去年
來時楚江秋長鞭馳過黃鶴
樓楚城駿馬千萬匹解鞍坐
視不敢儔今年朝天入五鳳
紅纓寶玦連錢重曉隨鸞聲
撼玉珂九陌風微塵不動天
子命下巡吾州輝光重整金
絡頭下嗟吾州本狹促迤徑
寧嘗

千里足行行前駕肅且閑
郡人遙望雙旌竿馳道父老
應開顏區區狐豕誰敢前
桑條吐葉晴鬱鬱滿路春塵
繞車轂使君不惜驅馳勞無
令暴吏登民屋出門一送五
馬行我馬躊躇皆不鳴相逢
同是他鄉客惆悵城邊暮春
別山亭草色細雨時野館梨
花寒食節夕陽微微鄴城樹
寒烟漠漠淮川月願言努力
策霜蹄千金重有登臺期

畫馬行

畫馬如畫龍縱橫變化當無窮
吾觀月山子落

筆窺神工曾向天閑貌十馬十馬意態無一同
此馬傳來幾百年古絹猶開沙漠風樹裏河流
新過雨簇簇草芽寒刺水圍人雙牽臨水邊草
色離離亂雲綺令人疑到渥洼傍波底風雷鬪
龍子細看不是白鼻騮恐是當朝獅子花紫燕
織離各惆悵其餘駑劣何足誇憶昔愛馬不惜
千金貨君王勤政樓頭坐胡奴黃衫雙繡靴
中騎出樓前過紅帕初籠汗血香玉鞭輕拂
花破吁嗟玩物竟何益遺跡徒使丹青播只今
烽火西北來沙場未聞千里才千里才固有時

回頭爲問御者諱君王赤驥與麒麟挽車太行
嶺心期田子方跌蹠駕轅頃霜凋苜蓿漢郊冷
骨折秋風自嘶影君不見古人養馬如養士一
飽能酬千里志今人養馬如養豚廐下常推疾
藜刺古之良馬何代無可笑今人空按圖

古愚翁挽詞

古龍啾啾啼劒井井底秋泉土星冷漪瀾堂上
瑟不鳴悽調空懷金石聲劒亦不復得瑟亦不
復聞悠悠何處尋封君何處尋封君林壑幽魂
風雨黑錫山崔嵬暮峯影吳江慘澹秋波色江

之南山之北松梧幾樹封君宅來往徘徊嘆行
客

畫鶴篇

昔聞少保寫青田古墨千年人不傳郎君此幅
何時得蕭颯秋堂掃烟色雪翎風翼如有神萬
里出海誰能馴我初見此鳥重是仙人禽朝飲
玉河湄暮宿玄圃林回首寒江鳧與鴈日晚哀
鳴羨霄漢

赤壁圖

老瞞橫槩江之臯眼中吳越一秋毫吳人設弩

來江左江頭鳴笳畫舉火旌旗飄揚北風前舳
艫化作江中煙英雄一去音塵滅斷水殘山弔
詞客白雪堂寒草烟暮黃泥坂下臨臯路酒酣
喚客吹玉簫江風山月不待招昔時霸業那足
數鶴夢悠悠眇千古回首東坡百世人圖書蒼
茫空有神

畫山水

蜀溪一紙明如練并州剪刀碧雲斷泥金作繪
誰所爲華堂粉壁光凌亂枳花竹葉春江曲江
頭無人水空綠逶迤石逕林中出草碧沙明淨

江日欲覓秦人武陵下不見溪邊種桃者高樓
窈窕鎖山霧只疑行盡瀟湘路瀟湘却憶舊時
遊紙上煙波生暮愁

憶昔行

我年十一十二餘與子握手相懽娛嚴君視我
猶視子日向庭前問詩禮我亦視君如弟兄夜
入同衾晝同起當時見子已不羣紅顏如玉目
有神花邊燦燦丹鳳雛天上矯矯石麒麟笑予
是時尚垂把筆從君弄文翰聯翩白馬控雙
御出入城中誰不看我當辭歸君失懽徘徊欲

別良獨難別來有懷徒悵望夢繞秋風沁水寒
杳杳雲鴻異鄉縣千載長安見君面昔別未冠
今已婚回憶少年空嘆羨一官碌碌經三春二
十光陰似飛電君有長才未得施臥龍儀鳳猶
棲遲男兒成名在少壯感會風雲湏及時人生
聚會豈常有但願相知不相負君不見古來金
石交結髮寸心期白首

柳絮歌

長安三月百花殘滿城飛絮何漫漫千門萬戶
東風起陌上河邊春色闌美人高樓鎖深院白

花濛濛落如霰晴窓窈窕朝日遲亂入簾櫳趁
雙燕遊絲相牽時裊裊委地飄廊不須掃君不
見江頭綠葉吹香綿隨波化作浮萍草

明月篇 并序

僕始讀杜子七言詩歌愛其陳事切實布辭沉
著鄙心竊效之以爲長篇聖于子美矣旣而讀
漢魏以來歌詩及唐初四子者之所爲而反復
之則知漢魏固承三百篇之後流風猶可徵焉
而四子者雖工富麗去古遠甚至其音節往往
可歌廼知子美辭固沉着而調失流轉雖成一

家語實則詩歌之變體也夫詩本性情之發者
也其切而易見者莫如夫婦之間是以之百篇
首乎睢鳩六義首乎風而漢魏作者意關君臣
朋友辭必托諸夫婦以宣鬱而達情焉其首遠
矣由是觀之子美之詩博涉世故出於夫婦者
常少致兼雅頌而風人之義或缺此其調反在
四子之下與暇日爲此篇意調若髣髴四子而
才質猥弱思致庸陋故摛辭蕪紊無復統飭姑
錄之以俟審聲者裁割焉

長安月離離出海嶠遙見層城隱半輪漸看阿

閣銜初照歛灑黃金波團圓白玉盤青天流景
披紅蕖白露含輝汎紫蘭紫蘭紅蕖西風起九
衢夾道秋如水錦幌高褰香霧開瑣闥斜映輕
霞舉霧沉霞落天宇開萬戶千門月明裏月明
皎皎陌東西栢寢岩堯望不迷侯家臺榭光先
滿戚里笙歌影乍低濯濯芙蓉生玉沼娟娟楊
柳覆金堤鳳凰樓上吹簫女蟋蟀堂中織錦妻
別有深宮閉深院年年歲歲愁相見金屋螢流
長信階綺櫳燕入昭陽殿趙女通宵侍御牀班
姬此夕悲團扇秋來明月照金徽榆黃沙白路

逶迤征夫塞上行憐影少婦窓前想畫眉止林
鴻鴈書中恨北地關山笛裏悲書中笛裏空相
憶幾見盈虧淚沾臆紅閨貌減落春華玉門腸
斷逢秋色春華秋色遍如流東家怨女上粧樓
流蘇帳捲初安鏡翡翠簾開自上鈎河邊織女
期一夕天上嫦娥奈九秋七夕風濤還可渡九
秋霜露迥生愁九秋七夕須臾易盛年一去真
堪惜可憐揚彩入羅幃可憐流素凝瑤席未作
當壚賣酒人難邀隔座援琴客客心對此嘆蹉
跎烏鵲南飛可奈何江頭商婦移船待湖上佳

人挾瑟歌此時憑闌垂玉筍此時滅燭歛青蛾
玉筍朱顏苦緘怨緘怨含情不能吐麗色春妍
桃李蹊遲輝晚媚菖蒲浦與君相思在二八與
君相期在三五空持夜被貼鴛鴦空持暖玉擎
鸚鵡青衫泣掩琵琶絃銀屏忍對篋篋語篋篋
再彈月已微穿廊入闥靄斜輝歸心日遠大刀
折極目天涯破鏡飛

邯鄲行

邯鄲道上車馬多行人夜火渡漳河邯鄲女兒
年十五能彈琵琶善歌舞青燈朱戶夜當壚壚

頭酒熟喚客沽玉壺青絲爲君繫不妨醉向邯
鄲途君不見邯鄲市昔日繁華安可擬鳴鑿佩
玉青雲間聞鷄走馬紅塵裏平原門前客如雲
千載淒涼竟何是黃金白壁成飛灰歌樓舞榭
空流水傷心萬事俱可嘆草長叢臺白日斜廢
苑當時在何處舊宮今日作誰家古來富貴俱
寂寞有酒樽前胡不樂

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十四

何氏集卷第十五

七言古詩

馮都督歌

都督猛氣世不多

一日百戰千里過賊頭

十馬馱東至滄海南

水轉關風揚波虜營

揮戈君不見諸將歸

邑都督河頭死為伯

君不見玄明宮中滿

荆棘昔日富貴今寂

京集

園復爲中貴取遺構空傳孽臣作雄模壯麗凌
朝廷遠勢連袞跨城郭憶昨已巳年來事秉權
自俯熏天勢朝求天子苑暮奪功臣第江艘
海舶送花石戚里侯門擁金幣十人力盡萬牛
死土木功成悲此地碧水穿池象溟渤黃金作
宮開日月虹蜺屈曲垂三梁蛟龍盤擎抱雙闕
城中甲第更崔嵬親戚弟兄皆閑闕城里歌鍾
賓客遊排門冠劍公卿謁生時十門與萬戶葬
地那遺一丘土石家遊魂泣金谷董相燃臍嘆
媚塢宮前守衛無訶呼真人道士三四徒石戶

蒼苔生鉄鎖玉階碧草搖金鋪星宮晝開見行
鼠日殿夜禱聞帝狐遊客潛窺翠羽帳市子屢
竊金香爐桑田須臾變滄海桃樹不復栽玄都
我朝中官誰最貴前有王振後曹氏正統以前
不得聞成化之間未有此明聖雖能斷誅罰
作新未見持綱紀天下衣冠難即振中原寇盜
時復起古來禍亂非偶然國有威靈豈常恃玄
明之宮今已矣京師土木何時止南海猶催花
石綱西山又起金銀寺君不見金書追奪鉄券
革長安日日迎護勅

崔生行

予之至京師也友人崔太史子鍾見之
曰久不聞何子言矣爲我作崔生行

崔生自返金陵謫騎馬復走長安陌時危頗負
經濟才海內俱識文章客自從盜賊近神京四
海不見烟沙青黃河流血日慘怛中原戰骨霜
縱橫朔方兵馬又已弱天下財賦難盡推書生
不得言世務大臣誰有匡時略我到長安訪交
友子與河內猶相厚感君戀故有綈袍吐膽傾
心共杯酒六年更見玄都花萬事空傷薊門柳

河內憂時未解顏子亦談兵不輟口金礦玉璫
隱光曜紫氣龍泉鬱盤久議論反遭時輩忌形
容豈免流俗醜王良伯樂不在御驂駟騾裏徒
能走人言古人未可輕古人往往皆無成子雲
老大不曉事殷浩當時空有名事去惟應嗟白
首時來未必濟蒼生即今風塵尚瀕洞羽檄飛
符迤相送西北山河戰角悲東南天地軍麾動
江海未見魯連耻朝廷不聞賈生慟塵埃早
知才質殊霄漢况覩名聲重闕宮清廟待琴瑟
大廈明堂要梁棟天生公等世所須努力他時

有人用

東海太守行贈徐以敬

西曹大夫東海太守且停爾車飲我酒二十讀
書飽經術腰下組綬無一尺一朝天子賜五
馬十年官至二千石漢家盜賊滿山東十城九
城荆杞中玉食常懷肱肱郡蒼生久慕循良風
况君兄弟皆甲第出入光輝無與比兄飛仙舄
宰王畿弟握侯符長千里四世五公自此始
不見關西揚伯起

憶惜行

序曰予上京師之二年汝正有湖南之行新政
施廢故人幾何晤語未諧離告又即愴然悲歌
不能自己感念往昔要之將來耳

憶昔長安相會日君方壯年我年小只今容顏
有更變何況世事無紛擾先帝衣冠半零落
十年賓友全稀少君今始作紫薇臣咲我金門
落魄人馮唐上書亦笑老子雲識字空愁貧艷
陽三月桃李耀君非壯年我非少花開酒熟君
遠行可惜春風阻歡笑明星迢迢車關關遙向
楚水辭燕山但看朱紱在腰下莫使白髮生顛

間武昌城邊江色澱襄陽漢水尤堪羨東行何
日訪鱸魚南飛不得隨鴻鴈少癖山水耽雲松
兩年楚上多行蹤浮湘直下三千里望岳遙瞻
七十峯知君跌宕輕駟馬顧予豈是功名者安
得浮沉 帝座旁會須覽眺蒼梧野蒼梧風烟
秋色開武昌高樓吹笛哀帝乘白雲去不返仙
人黃鶴何時來君行訪古燕化俗長揖輶軒指
南極岍上遊穿羆虎林潭中坐傍黿鼉國他時
倘覓桃花源北風爲爾傳消息

田子行

君不見黃河西來北入海千載却倒東南流
水如絲納九曲桐栢山作崑崙丘我家清淮邊
君家大河側開闢二水今合同人生變化無南
北田子之生河降神十五手掣生麒麟二十辭
家觀國賓三十謁帝爲近臣赤墀青瑣日月上
金馬銀臺河漢津自矜一身遇明主便欲登天
叩天鼓天門畫關守虎豹雲師屏翳雷公怒烟
氣縹渺隨飛龍電光閃爍笑玉女太清星辰下
羅列歛忽聞闔生風雨丹誠不迴白日照祀國
憂天獨勞苦我持彤管雙鳳翎浮沉 帝旁戲

何氏集卷三
紫庭文園著書久消渴據地酣歌常不醒長安
少女花在側茂陵美妾空娉婷漢皇不好相如
賦方朔誰知是歲星愛君襟期特竒邁諫垣給
舍持風采平生古今開萬卷搖筆風雲動五彩
致君堯舜豈無術許身稷卨終難改袖中一扎
諫獵書三歲磨滅未見採鍊石何時更補天銜
沙枉自思填海君不見楚人當時不識玉海客
無心采明月明珠暗投反按劍白壁三獻還遭
削連城高價後始定照乘竒光有時發鳳皇不
及鴟鴞鳴駑駘却笑驩黜拙君不見長孺從來

笑積薪公孫布衣爲漢臣千秋開口取卿相董
生白頭甘賤貧禹言不如一言重直絃曲鈞安
可論賈生何能吾絳灌任安徒事衛將軍我今
與子俱落魄過飲悲歌慨今昔咸陽酒客五花
馬邯鄲博徒千金擲古來豪俠亦可喜可憐聖
賢皆厄塞豫章干雲世希用龍泉貫斗人難識
神駿番爲轅下駒冥鴻已愧籠中翼出門與子
常相憶清淮大河見顏色

八
苦熱行簡問良伯

六月二十火雲發京師毒熱勝吳下清晨衣冠

不敢出對食欲餐汗滿把閉門袒跣真發狂隱
几寤寐何由假風雲昨日忽入城疾雷破墻雨
破尾此地樓臺王更鬱蒸西山殿閣空瀟灑姑蘇
才人玉堂客都近不得同杯筆因君欲訪姑蘇
臺臺下清江千尺瀉上有萬竿修竹林千雲蔽
日森炎夏君不見九衢亭午日如赭鳥飛投林
獸奔野紅塵駭馬何爲者

樂陵令

山東郡縣一二日八無有一城無戰場到今漂血
成野水如山三白骨橫秋霜雲臺功高將不四收

筆亦有書生謀其金大印賜豪貴台面豈得言
封侯唐朝公卿集如雲平原太守名不聞二十
四城見賊走抗城乃是平原守君不見前者寇
盜時縣吏州官各亡命北梁白馬終日行濟上
黃旗錯相映不聞開門戰但聞開門迎嗟乎平
原太守樂陵令

同崔呂孫內翰集徐子瞻辰樓

秋日徐君北樓上北樓岩堯連北斗窓牖臨觀
日下花闌千坐拂天中柳南州孺子美如玉北
門詞客同杯酒咫尺金門接玉堂瑋碧霄共立空

翹首

少谷子行

少谷子在武夷之山二十抱策叩燕關朝排闥
闔暮湖海九霄萬里身翻攀豈徒聲名冠帝里
要使蹤蹟窮人寰竭來京華始一識意氣形神
兩相得肺腑直成水石痼詞章亦帶烟霞色龍
姿鶴性不易馴海思江情浩無極頃將東遊覩
岱宗便欲下泛滄溟中鼉風奔浪岩洞黑鼇日
壓山樓觀紉南浮江淮覽吳越復上會稽探禹
穴去鳥晴生鴈宕雲飛虹夜躡天台雪波瀟瀟窈

眇岑嶠移遍訪名山入武夷仗劍不憂百怪
采芝或得羣仙隨只今妙年始三十辭官讀書
志何逸九曲烟花對草堂三山蘿月開芸室已
看鳳皇在千仞回首驂騑空萬匹八月高城氣
稍勁流螢木葉交相映燕山遊子落日吟海濱
歸客秋風興他日遙尋少谷峰武夷莫作終南
徑

觀石鼓歌

我來太學謁孔廟下觀戟門石鼓陳之眾詛楚
幾埋沒此石照耀垂千春苔昏蘚澁讀難下蟲

彫鳥剝細不分古畫詰曲蛟龍隱石氣慘澹烟
霧氛周王功勳史籀筆數石散落岐陽濱中興
氣象豈復覩大篆意格誰曾聞先秦文字稍近
古兩漢摹榻多失真六朝以來尚靡麗鍾王往
往稱通神唐韓宋軾迹歌嘆長篇險韻何悲辛
大觀之間入汴國君王好藝崇斯文高駝巨艦
遠載致金填玉嵌傳相珍靖康乘輿忽播蕩保
和玩物隨烟塵神驅鬼守散復聚至寶豈得空
沉淪文皇北來定燕鼎不置太廟留成均博士
無煩上書請書生頗得親講詢虛廊畫壁安置
穩大廈長簷覆蓋新不隨鍾鼎然磨滅已與琬
琰爭嶙峋平生博覽愛古跡世上墨本徒紛紜
此雖殘缺歲已久尚覺隻字輕千緡壁池日月
動華衮奎閣星斗羅貞珉嗚呼孔廟在萬世此
石與廟長無湮

九川行

君不見自從天地開天下之水皆西來黃河崑
崙一線出下轉秦甸轟奔雷長江廣漢兩盪瀉
濁涇清渭中縈迴帝遣九龍下治此江漢安流
涇渭理華嶽中斷仙掌高却放黃河行萬里九

龍蜿蜒上天去。至今猶餘九川水。秦中雲雨四
時遍。此地塵沙幾回徙。我來長安不見九川水
得見九川子。九川子是非常人。朝辭川上麋鹿
羣。夕登青瑣爲帝臣。已從華亥補日月。况執
彤管排風雲。長風西來吹北極。西望川流渺何
極。野岬空懸舟揖心。寒林暮繞波濤色。吁嗟江
漢猶阻兵。中原不見黃河清。虺蛇豺虎滿道路
黃埃濁浪無人行。九川子何不更鞭九龍起。坐
視天下橫流水。

畫菊歌

楊郎畫菊只二本。千花萬草無顏色。夏卿墨竹
差可比。陶生桂樹何須得。徐君向我誇所有。閣
中携此更携酒。翠幔披雲出院邊。金杯映日凭
闌久。深黃襪紫雜烟臯。想見五色臨揮毫。叢篁
瑣碎白晝靜。錦石爛熳霜天高。楚江茅堂若在
眼。鳳闈彤闈對秋晚。白葛飄零處士稀。朱絃寂
寞佳人遠。寒香晚節真可憐。惜哉楊郎不在前
開窓爲我拂絹素。落筆點綴黃金錢。徐君徐君
珍重此君不見天。寒歲暮百草死。綺羅無地看

桃李

蘇文與何畫竹士師中好山谷題

題文與可畫竹上有東坡山谷題識

客從南方來見予手持錦軸長丈餘云是與可之畫蘇黃書中堂展玩思超忽四百年來真故物敗素飄零色已改古墨慘澹神猶發文生此竹世希有一枝不異雙瓊玖冥冥烟翰動石壁瑟瑟風葉臨窻牖筆下何須掃萬筍曾中已自橫千畝眉山長公元擅場豫章太史誰可當片言相推四海重隻字尚使千年藏客從何處得此幅令我嗟嘆久憐惜蘇黃不作與可死人間畫畫無真跡勸君寶此勿輕擲

送葉生四返閩中兼懷鄭繼之

葉生行吟燕中中葛巾麻鞋歲將晚兩都爲客今始歸五岳尋仙不辭遠江南畫舸春柳低海上茅堂白雲出谷口如逢鄭子真爲道棲遲未應返

題黃車煌畫竹

畫竹忌屈不忌直息齊由來有筆力今日畫圖幾百年人間尚自留真墨空堂畫桂風雨寒明滅纖霧生微瀾細觀見竹不見畫何時石上削此三琅玕八閩高士黃司馬平生好文兼愛畫

碧草停珂夏省中白雲卷幔晴窓下每逢賓客
出評品遂使破素增高價開圖似惜孤鸞叢胡
爲寫置荆棘中君不見洞庭之上瀟湘岫翠篠
修篁沙草亂鳳皇不棲鷓鴣怨

吳偉飛泉畫圖

長安獨過田子嘗留我一玩飛泉畫絕壁如聞
風雨來晴天安得蛟龍挂吳生跌宕得盡理潦
草落筆皆可喜飛泉却出杳嶂間山即真山水
真水客堂六月生書寒耳中髣髴高江灘源潭
窈窕不可測波滔洑洶涌多奇觀泉邊二老顏色

異偶坐似是莊與惠萬里誰論到海心百年詎
識臨淵意偉哉田子今儒宗文標南指匡廬峰
不須對此更惆悵會觀瀑布青天上杉風松日
隔縹緲雲瀧雪灑何雄壯我常夢往神空向豈
無吳生好手筆爲我寫寄廬山障

送林利正同知之潮陽

憶在城均共携手泉山門下相知久萬里恩情
若父兄十年道義慚師友君才豈孤一第名佩
刀今作嶺南行挂帆夜宿天邊樹伐鼓朝登海
上城燕京相逢顏色好相逢何難別草草過家

登堂壽禮畢道予問訊泉山老

畫魚

天魚昂藏若人立銜波跋浪風江急傍觀二鯉
各有神倏忽波濤隨出入中堂鬢鬣動杳冥坐
久始識爲丹青青天萬里拂綃素筆力咫尺開
滄溟禹門天池雲霧裏白晝雷霆何地底何人
有力移置此酒酣相視不改容只愁化作三蛟
龍

金陵歌送李先生

季公爲舅有呂甥甥舅四海皆知名呂君關西

昨日去公自金陵來復行金陵江水無斷絕金
陵之山高巖巖截龍虎千年抱帝京星辰萬里
羅天闕白鷺洲前芳草歇清江浦上看明月燕
山北望花如雪

送何燕泉今昔行

君不見燕泉何子生南岳十八名聲動江海年
今四十少方伯富貴由來重文采金章紫綬乃
自致黑髮紅顏未曾改憶初射策逢先皇我
爲進士子爲郎芳花醉踏清沙苑春樹吟開畫
省堂每投桃李報瓊玖多謝相知更相厚倚玉

元非異姓兄斷金况是同心友寧知世事多變
更岐路人間各分手四海風塵半甲兵十年意
氣還杯酒子方出守紫薇垣予亦棲遲金馬門
黃金盡識故友態白璧翻思文明主恩中原送
別哀離亂汝水嵩川客心斷行馬秋臨清洛流
戰場暮吊黃沙嶺薊桑青青燕草碧梁王城邊
杏花白功勳客位行有期慷慨爲子歌今昔

與崔子同送劉以正還關中

燕川芳草歇已久行子西行更回首駿馬春停
渭曲花金鞭暮指秦中柳看君兄弟皆英雄十
年側想中丞公東山雲月臥未起北海賓客誰
相通荷華初紅酒初碧汝歸登堂見顏色若問
長安舊友生崔何二子常相憶

赤壁圖

周郎舳艫大江半曹氏旌旗眼中暗當時萬馬
下中原江水千年餘斷岬黃州逐客玉堂仙停
舟到此悲秋天龍爭虎鬪慨往事酹月酬風懷
昔賢古人今人皆已矣吁嗟丹青乃誰子赤壁
之山足如此

雷黃門凱旋圖歌

漢家賊盜臨京都西衝河塞東海渦虎豹奔突
豺狼呼天子九重怒按劍將軍五道催飛符
黃門鐵鞚按營壘監視將軍奉天子征者不
憂居者喜曉戰遙隨金鼓前晝行獨擁旗旌裏
烟沙忽傳畿甸清黃門奏捷旋神京將軍歸來
天子迎冊書十萬納御府勲級三千羅紫庭封
侯拜將珥貂列白金緋衣照雲月黃門功多不
自說受爵元看陸機小却賞誰知魯連潔高堂
白日披圖新戎衣慘淡猶風塵坐令慷慨悲今
辰書生從此識汗馬丈夫常憶畫麒麟

醉歌贈子容使湖南便道歸省兼訊獻吉
徐卿此行壯觀莫與伍東將入吳西入楚都門
帳飲慨今昔酒酣拔劍爲汝歌起舞 聖朝分
封重茅土詞林禮樂超前古冠冕諸邦拱
至尊冊書十道開天府匡廬峰南繞江漢洞庭
武昌半樓觀壽酒花開海上堂使舟草滿湘西
岼憶卿翻飛霄漢裏結交豈少青雲士眼中何
人最知己十年之交吾與李李生近買陽羨田
又欲鼓柁襄江船風塵落日倘相遇爲我問訊
江湖前

薛生行

君不見少府忘年交，彌衡中郎倒屣迎。王粲坐
間賓客盡傾倒，海內賢豪流英盼。古人愛才今
不如，薛生豈得無嗟嘆。昨來布衣見，六子日
向長安乘款段。公卿門前耻干謁，東歸把釣黃
河岍。年少今看萬卷開，遠遊自負三山願。丈夫
有才須用世，未許終身隨草蔓。閑居好著子虛
篇，行路長歌白石爛。

晚雨君卿招不赴

騎馬出門還復入，六月陰晴不可卜。簷前星出

乍有無城上，雨來時斷續。炎天畱客夜，苦短燕
地近秋暑，偏酷何人同。對寺中花憶爾，獨伴啼
鳥宿。

晚過田水南有贈

田郎閉門著書，今幾卷。我欲與子數相見，謔浪
雖稱青瑣賢。經過罕識黃門面，長安雨積鞍馬
稀。堂下苔生集秋燕，四海何人問草玄。一經徒
使桓譚羨。

延津歌送韓令

延津寇過餘少男，延津縣令莫停驂。雙鳧直向

黃河北一鴈先飛清衛南黃河所邊不種麥濁
浪滔天多賈客城中少男爾勿愁縣令到時爲
買牛

修竹篇

君不見真翁堂下竹貫日干雲千尺高亭亭萬
木避霜色颭颭空巖迴翠濤平生直節本無偶
手栽琅玕種瓊玖風月何曾忘此君松梅况自
稱三友東曹郎君翁所奇節槩更與翁名齊神
龍昔向滄波化彩鳳今從玉樹棲高堂茲辰開
壽錄却洗金盤對春竹霓旌晝下仙人車雲管

宵停羸女曲翁家舊住上林西托根自近蓬萊
池雪岷冰柱映樓閣雨露常沾萬歲枝

谷進士宴歸歌

五城十樓春窈窕九衢夜半人行少月高醉客
金鞭垂花簇銀鞍弄驤裏我皇九載羅豪英
坐收四百皆才名四百人中見谷生綠袍白面
誰不驚谷生自昔中州士布衣三來謁天子
十年讀書梁王臺一日走馬長安市長安鍾鼓
聲入雲相逢却避新郎君赤蜺在天振羽翼神
駿得路超凡羣嗚呼此圖人共羨已識君身不

貧賤萬言莫忘北闕書千載長記南宮宴嗚呼
此圖人共羨

遠遊篇

君不見昆明池去京一萬里山盤海曲在天上
日轉星旋羅地底生神發秀千百年太宰源流
自茲始七歲辭家朝帝京登台踐斗榮身名
水木更起立原情請帝帝遣中書行中書此
行天子重赤車駟馬都人送岳樓畫錦湖光
開京口春帆江色動瀟湘鼉鼉經水國衡巫瘴
瀟雲來黑銅柱標南問南紀錦宮城西指西域

輝毫憑軾驚蠻夷却似太宰中書時相如使蜀
人同美遷史浮湘志自竒憶昔滇中爲使者黔
公宴我滇山下酒罷曾彎壯士弓賦成尚倚將
軍馬今日看君萬里歸山川草木倍光輝公卿
禮數古來少父子聲名天下稀五華岡頭日朝
於點蒼山北雲如障遠遊可樂須早還帝里
親闈兩相望

王都諫畫鷹歌

蔣生畫鷹筆勢何昂藏塞林海嶂產真骨歛爾
飛立都諫之高堂千年古色動嵯壑一匹素練

開風霜都諫常稱蔣生筆此鷹神駿果無匹乍
見遙驚俊思生細觀轉覺竒姿出人間鷲鳥各
異種紛紛搏擊相矜寵飽颺飢附更誰憑制臂
翻鞦空自勇此鷹不逐羣飛羣亦似都諫獨立
霄漢當天闊羽毛森然振赤日意氣矯欲排翔
雲君不見郊原白日荆棘簇射獵無人敢馳突
樹裏鴟鳶尚九霄草中狐兔仍三窟爾鷹爾鷹
安得一起乘高秋惡鳥不鳴獸辟易再使郊原
麟鳳遊

哭幼女行

二十生男不解愛頗厭世門兒子熊年來抱女
心甚憐却悔從前空慷慨女生一歲眉目揚突
指兄姊羅成行鏡裏嬌啼映窻牖牀前學步牽
衣裳春風吹魂魂不住來從何來去何去錦襪
曾占夢月時玉錢又哭埋香處乾坤得失安有
憑昨日樂極今哀生常怪他人不快意乃知我
輩真鍾情皇天能生亦能死造化弄人每如此
雲散雲疑亦偶然花開花謝緣何事婦人性癡
還過傷奔走叫號如病狂作詩示妻兼自解轉
見人間父母腸

劉武選白鳥圖

嗚呼鳳凰不可見人間白鳥空啁啾西飛鶻雀
亦五色滿眼誰別鳥鸞儔劉侯此圖愛者衆畫
手莫識元與宋粉繪剝落絹素新萬羽千毛尚
飛動侯言此畫先人傳珍藏未肯充南貢十襲
翻令錦繡輕百年轉見丹青重頃來數相見手
携登我堂開圖見白鳥從此雙鳳凰鵬黃鳥黑
影可辨行鳧立鷺遙相望延頸戢翼各共向宛
如萬國臣妾朝天王君不見蜀道阻絕岐山已
頽瀟湘無人衡岳崔嵬竹實未結桐花不開鷓

鴝怨杜鵑哀鳳兮鳳兮何時來

畫竹

殷君示我林垵竹臨風寫雨奪天巧尺縑蒼筤
只兩根氣勢已覺千林少蚪蟠鳳起倏有神出
雲入霧何縹緲聞君魯閭西草堂萬竿白日森
烟霜怪道君身瘦如竹只對此君不食肉

裕州行

今年春夏雨不絕黃河以南漸殺麥裕州城中
十萬家自經寇盜惟黃沙名商大賈歲不集新
絲舊穀嗟何及郝侯五馬天上來寒帷露冕開

風霾教農服田賈服賈只有牛馬無豺虎

石川子歌

石川之水東流入東海濤雷瀨雪幾盪齒白石
爛爛色不改泰山嵯峨青石室樓閣窈窕雲霧
密懸峰牕牖瞰海底紅輪倒影扶桑日波上三
山渺安在海靈冥冥現百怪蛟螭九首盤爲梁
神仙萬古長相待石川子七年葺茅臥烟島餐
藜被褐身懷寶海東隱淪見面難地北潛夫著
書早自從召起綰銀章常夢山中把瑤草白雨
青蘿晝自垂沙風赤葉秋空掃京華相遇謫仙

才笑解金龜沽綠醅花邊昔放雙鳧去雲裏今
騎一鶴來蔣琬元知非百里李渤終爲諫官起
冥鴻逝鵠須爾期天路雲衢自茲始君不見魯
門海鳥本避災國人祀之反求福雖有鐘鼓羅
玉饌驚鳴駭顧安能食男兒固要爲龍蛇胡爲
屈身終日隨塵沙

七夕詞

雙星渡河月西沒悲參怨商愁夜獨宵闌箕斗
自低昂心憐情恨看七襄人生失意無賤貴寒
機織婦鴛鴦思金屏玉瑟宮娥淚

杏林曲

君不見蕭御醫何年種杏成杏林霞蒸日爛開
芳甸門庭垂實虎晝守飛花九陌人人羨菊泉
橘井俱仙靈豈如萬樹春風散今皇御醫皆
不賤麒麟緋袍常引見奉詔時翻本草經承
恩數錫仙桃宴君今一身官未尊白頭抱藝趨
金門輕才重義世罕比起死回生不自論林中
有草金光映服食可以延壽命蕭君蕭君進此
藥令我皇帝萬歲無疾病

三山春宴圖歌

自有三山鎮京口形勢跨絕東南山江吞海吐
互變見參天峙地和嶺岼馮風倒景萬樓閣動
搖縹緲虛無間色開島上金銀闕氣接天中龍
虎闕我從唐翁畫圖見大夫指點三山宴仙人
驂鸞倏來往烟鬟霧珮流雲霞江桃千春一放
花海棠亘古終難變開圖爲寫長生詞却訝丹
青山水竒白浪閃灼金芙蓉青天靜拭青瑠璃
蓬萊下用六鰲載緜嶺遙將雙鳳騎地靈生人
本非偶禱尼降嶽理亦有大夫家住三山口綵
衣歸來奉翁母願言壽比三山久

河嵩篇壽張母

梁王古城河水頭北堂坐對嵩山丘雲間二室
三花樹天上崑崙九曲流絳霄寶婺光射地星
宿潛通河嶽氣緘書爛熳歌白雲長安遠附青
鸞使

周儀賓朝天歌

周君來從大梁發搖鞭却指秦樓月燕山臘盡
春未生可憐裘馬衝霜雪憶昨雲霄謁帝關
春卿引見紫宸班天門九重羅虎豹一月不得
朝龍顏詔甥 帝室恩數少向女 王家禮非

小中山更傳聞樂對陳王亦進通親表伊昔梁
王全盛時車旗從官皆漢儀遣使常聞入珍送
入朝數賜飛龍騎百餘年間事勢殊諸侯出或
乘驢車朱門賓從想冠劍白頭王孫行路衢君
歸為我一問訊梁園賊客今何如

同李進士觀銅雀硯歌

君不見鄴中魏帝無宮殿千秋遺瓦磨為硯墨
容騷人空嘆嗟朱甍綺構誰曾見李君好古精
鑒別冬天拂拭開烟雪虛堂叩之哀玉音泥沙
洗出黃金屑廣州紫石鸚鵡眼歛山龍尾何希

空濡藻光迴星漢垂蟠花背刻龜螭斷共憶高
臺羅綺春翠眉艷骨飛黃塵提携故物悲年代
感慨新章泣鬼神君不見臨漳此物難復親河
沉岍岍求者苦縣人相傳爲贗古嗚呼日掘西
陵土回李斯士

送五清先生赴浙江提學歌

天台文宿衝紫霄先生捧勅馳星輶越山桃李
花萬樹春色早渡錢塘潮憶昨先生遭斥逐漂
泊湖湘望巴蜀九江鴻雁春冥冥七澤龍蛇晝
盤曲洞庭天高急霜霰冰河雪岍開燕甸北來

驄馬一日聞傾都走識先生面十年卜築楚村
墟萬里今瞻漢宮殿當朝門生貴不少
先皇學士人猶見金門誰畱供奉班銀魚舊錫
恩榮宴長安春迴獨回首翠烟漸入龍池柳薊
門禹穴自此分送餞先生百壺酒丈夫輒軻心
不疑賢聖流離古來有已看身作指南車况復
名高懸北斗隋珠和璧世珍重眼前點毀終難
動聖人不久奏雲門海內近亦求梁棟琴瑟須
聆清廟音豫章且待明堂用我聞衡嶽與天參
七十二峰江漢南不然信此可棲息無使天柱

石鼓空峽巖

贈范君

桂陽之山石巖巖四時雲氛流杉松江開秀色
蟠三楚天削芙蓉羅七峯翩翩烟霧下鳳鶩往
往霹靂隨蛟龍鍾奇產異理亦有黃金丹沙間
瓊玖何況人傑非地靈碩士名儒映先後君山
燕泉各一時晚逢范君亦其偶范君古貌更好
古問之君山乃其祖學海遙聞前輩風詞場獨
覺良工苦君爲進士宰江縣頗厭簿書耽筆硯
神龍未應困泥滓驂騑會自追風電君山十年

絕相見見君如見君山面燕京四月花滿甸
邂逅不得同遊宴花間送爾雙鳧翔廬山高高橫
玉梁雲停燕過一回首月明琴靜誰舉觴我自
辭家來帝鄉宿賓舊友稀登堂悵望南邦思
桂陽念今道故增悲傷

相逢行贈孫從一

長安風吹萬楊柳與君走馬相逢久昨朝邂逅
樽酒間二十年來一回首我官十年前君官十
年後眼底相看已壯齡世間萬事真翻手憶初
少小來東曹君家兄弟同遊遨尚書庭前兩玉

樹白日粲爛秋風高爾時見君氣已豪花顏雲
髮青錦袍石麟在天動鱗甲赤鳳排雲生羽毛
只今骨格殊恒調傾都見者嗟英妙恨不置之
玉堂賓誰令久待金門詔永嘉山水稱絕奇且
與謝客同襟期花裏開簾仙吏出松間看屐山
人隨尚書風義古無比如君更是尚書子尚書
東山間白雲高臥不爲蒼生起漢庭我亦東方
生悵望名山無限情海雲浩歌起春色送爾萬
里東南行

李大夫行

君不見大梁進士年未三十官大夫金鍾鼎金
識國器汗血飛黃看過都昨來走馬長安道一
日聲名盡傾倒墨卿學士兢迎致搖筆登壇爲
揮掃盧前王後不足論曹劉沈謝升堂早我方
避世金門前君獨時時向草玄金聲一擲天台
賦鳳沼常畱春草篇憶年二十當弱冠結交四
海皆豪彦文章天上借吹噓杯酒人中迴顧盼
十年流落失邊李詞場寂寞希篇翰自從去歲
得李薛令我倡嘆增顏色對坐相看兩鳳毛破
圍貫籍千軍力安陽崔史文絕倫意氣頗與二

子親蘇臺徐卿愛才者曲巷往往停車輪斯文
在天未墜地我輩努力追前人波頹瀾倒挽一
髮鯨翻鼉擲爭嶙峋薛生歸釣黃河岍君亦遙
維沔川纜霄漢終還五馬車江湖暫解雙龍劍
古來丈夫或未偶畏途輾軻無不有李廣羞過
灞上亭賈生愁醉長沙酒倘遇馮唐老見君一
言更薦雲中守不足論曹隱成橋長堂早茲亦
自贊公馬前伯也

何氏集卷第十五

平木三十官大夫金龜

